



陳慶麒先生述

唐崇熹藏

中國近世史講義

卷中

中國近世史卷中

第一節 鴉片戰爭與通商開港

鴉片舊為藥品，產於印度，華言阿芙蓉。唐貞元時阿拉比  
臣商人以鴉片輸入中國，明萬曆間列入國稅表中，鴉片  
貿易之行於我國，由來已久。明季以來，民間漸有用以吸  
食者。雍正朝曾嚴布禁令，乾隆初輸額亦尚不多，猶以葡  
萄牙人為主。至乾隆中葉以後，其特權握於英吉利，於是  
輸額日增，吸食之害亦日盛。嘉慶初又嚴旨厲禁，而沿海  
官吏貪利納賄，聽其自由輸入，迄至道光中葉，比嘉慶季  
年，又幾增至五倍之多。於是內閣學士朱鑄給事中許球  
御史朱成烈、鴻臚寺卿黃爵滋等先後奏請嚴塞漏卮，湖  
廣總督林則徐履歷語尤剴切。至謂鴉片不速行禁絕，則

國日貧，民日弱，數十年後，豈惟無可籌之餉，抑且無可用之兵。帝大感動，即命林則徐為欽差大臣，馳驛赴粵，實行杜絕鴉片貿易之策。時道光十八年也。明年則徐至廣東，盡焚英國鴉片之在澳門者，計二萬二百八十三箱，值金六百餘萬，並絕英人新疏食物，且令退出澳門，並波及法荷諸國商人。朝廷乘勢下詔停止英吉利貿易。先是英政府之意，務主和平，英領事甲必丹義律亦欲以平和政策恢復商利，一反前貿易監督官律勞卑、羅頻、孫等之所為，毋輕失中國之感情。至是亦不能忍，遂以兵艦攻澳門，不得逞，轉而攻福建，又為閩省、鄧廷楨所敗。遣使調停，請仍許英商回居澳門，則徐復嚴斥不許，乃更攻浙江、臨定、海乍、浦等處，旋北攻天津，入大沽，復投書請和，要求六款。

一償還貨價二開放廣州廈門福州定海上海為商埠三  
兩國交際用平等禮四賠償軍需五不得以夾帶鴉片累  
及居留英商六盡裁華人經手洋商經費天津道陸建瀛  
議請先決廢止貿易鴉片之事倘英人承諾則許以免稅  
代第一款以開設澳門代第一款以海關監督與之平行  
代第三款其餘令回廣東與則徐定議是時中國承平日  
久沿海空虛諸文武大吏懼禍及皆不悅則徐所為遂各  
造蜚語上聞中傷則徐當事不知所措亦欲加罪則徐以  
謝英人於英人所請一切不答覆遂命兩江總督伊里布  
赴浙與英人戰休戰以大學士直隸總督琦善為欽差大  
臣赴粵查辦褫則徐職大局為一變時為道光二十年明  
年琦善至粵悉反林則徐所為恐和議之不速成也光撤

海防以媚英人徐議許償鴉片贖歸英將開放廣州割讓  
香港等事草約雖成。會英兵已攻陷虎門。外大角沙內等  
礮台。帝大怒。命御前大臣奕山為靖逆將軍提督楊芳尚  
書蔭文為參贊大臣。赴廣東調江督裕謙為欽差大臣。赴  
浙江飭伊里布回江督任。奪琦善大學士職。大局又為之  
一變。英人以和議中寢。又益兵攻陷虎門礮台。提督關天  
培戰死。各要隘大礮三百餘門。立則徐前所購西洋礮二  
百餘門。盡被奪。英兵乘勝深入。盡扼珠江咽喉。揚芳至  
手無策。於是時英軍雖所向披靡。而各國商船以停市日  
久。損失甚鉅。皆以英人所為太激。於是美法兩國商人出  
而調停。楊芳據以入奏。朝廷初欲拒絕。會英兵又連攻陷  
廣州城西北之天字礮台。及泥城北山頂各礮台。奕山等

屢次失利。廣州危在旦夕。大局又為之一變。遂以道光二十一年四月。先定停戰條約。凡四條。一。將軍等允於烟價外。先償英國軍費六百萬。元限五日內交付。一。將軍及外省兵退屯城外六十里地。一。以香港之割讓為未定問題。俟後日協商。一。英軍退出虎門。和議既定。奕山等以此六百萬之價金。議由藩運海關三庫撥認四百萬。廣州行商擔認二百萬。於是粵民大憤。有三元里民萬餘。樹平英團之旗幟。以與英人為難。義律陷重圍。不得出。知府余保純任解之。扶義律出圍。至償金交畢。英軍撤去。廣州即促將軍等離城。奕山屯退金山。飾詞入告。謂英人窮蹙乞撫。請准照舊通商。帝亦微聞之。不之詰也。尋以廣東兵政廢弛。臨事無實用。追論歷任總督罪。並遣則徐。成伊犁。論者謂

當與英人齟齬，初起時，廷諭則徐訓旨有不患卿孟浪，但  
戒卿不可畏惠等語。至是，反坐以決裂遣戍萬餘里外，蓋  
欲以謝英人也。時人皆寬之，則徐赤心謀國，祛毒強民，固  
自有先見之明，但徂於尊大之習，不諳外情，操之過急，致  
貽中國後世無窮之禍。君子援春秋之義，蓋一不能盡責  
備於賢者焉。然帝始力主之，繼而毀之，終則罪之亦大可  
慨乎！英兵既退出虎門，以二十年所索六款及香港割讓  
之約，未得中國政府之允答，不肯罷兵，復移兵北進，曾伯  
夢新自印度續調戰艦來粵，遂與義律兵合。以六月同發，  
遇颶風，破其坐船，頗有損傷。粵祁墳遂鋪張入告，謂獲神  
力，撞碎洋船，漂沒無數，浮屍蔽海。朝廷方發藏香謝海神，  
廣東保舉守城文武至數百員，而英遣大兵，冀乘虛直入。

軍少將巴爾克突至，遂使其將卧烏古巴爾克率軍艦九艘汽船四艘運送船二十三艘，以七月進泊廈門，陷之，復棄去，僅佔鼓浪嶼。進兵攻浙江，再陷定海。總兵葛雲飛、王錫朋、鄭國鴻皆戰死，並陷鎮海。荀師裕諫自殺，又陷寧波，而慈谿餘姚居民亦皆逃散一空。事聞，帝文主戰，乃命大學士奕訢為揚威將軍，率兵往浙江謀恢復，又以廣東巡撫怡良為欽差大臣，移駐福建，調河南巡撫牛鑑總督兩江，分任南北沿海防務。師或潰或死，均寡效。卡浦再陷寶山，上海鎮江亦皆相繼失守。一時驍將如陳化成、海齡等皆殲焉。英兵逼江甯，帝太忍，意又變，改用浙江巡撫劉韻珂言，力主和議，以尚書耆英為欽差大臣，署杭州將軍，起伊里布赴浙效力，會同兩江總督牛鑑籌商議和事，尋以

英人謂耆英等未得全權委任拒與議並任耆英伊里布牛鑑為全權大臣是時英人兵勢既威要索遂多耆英等以事急一切應之爰於道光十二年七月締結中英修好條約於江寧所謂南京條約是也約之要項凡八條一  
中英兩國將來當維持和平二中國政府向英政府納軍費一千二百萬圓商欠二百萬圓鴉片賠償六百萬圓共二千一百萬圓限一千八百四十五年歲末清付三開廣州廈門福州寧波上海五港許英人通商及居住且一切不課關稅四以香港之主權讓與英政府五放還英人之為俘虜者六戰役中為英人服役之華人一律免罪七將永兩國往復之文書用平行款式八條約得皇帝批准償  
二交付六百萬圓之後英軍當自當時所占領之長江沿

岸等地撤兵，惟舟山及鼓浪嶼在條約實行之前仍由英軍占領。英艦遂於是月出江寧，盡調碇泊長江之艦隊還屯定海。南京之約，由耆英主持於外，穆彰阿等力贊於內，敗辱伊始，一蹶遂不能復振。庸臣誤國，豈淺鮮哉！先是兩國戰爭中，英艦兩過臺灣，一於道光二十一年八月，在淡水港遭風觸礁，一於二十二年二月，在大安港擱淺，皆為臺灣義勇所捕，計白人二十四，黑人百六十五，砲二十門，軍械甚眾。總兵達洪阿兵備通姚瑩，飛章奏提賞達洪阿太子少保姚瑩二品頂戴，會南京條約成，兩國當交還俘虜，達洪阿等還俘黑人百六十五名，盡行槍斃，僅遺白人等還英艦。英使璞鼎查乃以鎮道虐殺難民，冒功捏奏，徧訐江浙閩粵四省大吏，帝令上聞，帝命閩皆怡良、波、臺、查

辦至二十三年春，逮洪阿姓等下刑部獄。幸帝知其枉草職，不深咎。咸豐元年，奉特旨昭雪焉。是年夏五月，南京條約既得，兩國皇帝之批准，詔命廣州將軍耆英與英國全權公使於香港交換條約。秋，耆英又於虎門與英人續訂補遺條約十七條，以為南京條約之附錄。自是美利堅法蘭西亦各援英之成例。於明年夏秋先後締結中美及中法條約。中外之條約由此日繁，外人之勢力由此日張。中國主權由此日替，沿海之土地由此日削，而鴉片之禁令遂公然弛，吸食販賣之風不啻為國家法律所默許矣。

## 第二節 咸豐帝之用人行政同治初期之改變

道光三十年正月宣宗崩，皇太子奕訢即帝位，以明年為

咸豐元年。初宣宗最鍾愛皇六子奕訢。欲立為皇太子。金  
合緘名時。奕訢名者數矣。皇四子奕訢齒居長。無失德。故  
遂巡未決。一日。命諸皇子校獵南苑。皇四子師傅杜受田  
語皇四子曰。今日圍場中。但坐觀他人。騎射弗發。一槊一  
矢。並約束從人。弗捕一生物。復命時。祇言時方春。和鳥獸  
自育。不忍傷生命。以干天和。且不欲以弓馬一日之長。與  
諸弟競爭也。是日皇六子所得鳥獸最多。顧盼自豪。皇四  
子一無所獻。宣宗詢之。具如杜受田所教以對。宣宗大悅。  
曰。是真有君人之度者。儲位遂定。受田其為帝之吳廣歟。  
故帝甫即位。即以受田入內閣。受田雖無大才識。然其為  
人謹。為敏學。受惜人才。如疏薦林則徐。周天爵。及保全向  
榮。等。大節皎然。天下頗觀其效。或謂清十帝之文學。以咸

豐帝為最優，亦多得受田啟沃之力。帝初即位，朝野延頸企踵以望治，以帝能斥穆彰阿耆英，累詔求直言，通民隱，起廢員，興賢能，文瑞、倭仁、羅惇衍、曹國藩諸廷臣先後應詔論列時政，並優肯宸答。其先朝緣事降革者，若林則徐、周天爵等，以時論所推，亦皆相繼被召而罷廢之。太常卿唐鑑亦屢徵召入都覲見，一時名臣輩出，如曹國藩、胡林翼、江忠源、羅澤南、左宗棠、李鴻章等如雲而至，以曹國藩為尤契帝心。雖以祁雋藻翁心存兩大學士之舐舐齟齬，為藻至謂國藩以匹夫居鄉里一呼而從者萬餘人，恐非國家福，而主志終不為搖奪。故雖太平軍大起而卒收得人之效，亦未嘗非明主也。或曰大學生文慶在內閣時，時左右國藩嘗密請破滅滿漢藩籬，不拘用人資格，滿員中

有此識解，非所謂鐵中錚錚者歟。然不知尤以肅順之功  
為最鉅。肅順在當時，驕恣暴戾，人莫不切齒以痛罵之。如  
咸豐八年順天科場一案，羅織株連，自考官以及士子，斬  
絞軍流降革者數十人，不過因忌柏葰一人，藉端以誅鋤  
之，其好殺專橫，大率類是。無怪當時有羅網漫天斯文掃  
地之語。肅順但對滿人如是，至對漢人乃極意搜羅人材，  
汲汲不可終日，或引為羽翼，或倚為腹心，如匡源、陳孚恩、  
高心夔輩，皆為肅順所素心折者。至曹國藩、胡林翼等之  
握兵柄，肅順尤力主之。肅順常與人言曰：滿族中無一人  
可用者。國家遇有大疑難事，非重用漢人不可。聞其受賄  
也，亦惟待滿人為然。若漢人之一絲一粟，迄不敢受。故滿  
人深惡恨之，嗚呼肅順以宗室之滿族，何乃揚漢而抑滿。

若是異哉，然帝自咸豐八九年以後，見時局之大亂，恐難收拾，林則徐既道卒，向榮與周天爵、烏爾恭泰諸將帥又復齟齬，不相能，軍事日紊，戰氣徧地，帝遂早已荒怠政事，溺情聲色，前後若出兩人，其無毅力若是，最可慨者，咸豐九年，帝壽三旬，東南大局已土崩瓦解，解兵連禍結，而帝猶引歷朝聖壽開科之成例，恩詔慶綏，咸豐十年，英法聯軍偏京師，帝倉促幸熱河，猶徘徊致作朝賀作樂，宣表賞，近支親藩等大宴，其殆懷叔寶絕無心肝者歟？帝既感於聲色，遂多疾病，日飲鹿血以療之，咸豐十一年七月，帝在熱河，疾大作，復患暑濕，倉卒求鹿不可得，疾遂增劇，急召宗人府宗令怡親王、載垣、五宗正、鄭親王、端華、御前大臣肅順、景壽、宣撫大臣穆蔭、匡源、杜漢、焦佑瀛八人至避暑山

莊行宮受顧命立皇長子戴溥爲皇太子立謝以八人爲  
贊襄政務三大臣翌日帝遜崩春秋三十有一在位十一  
年諡曰顯皇帝廟號文宗諸臣請皇太子即正尊位擬以  
明年爲祺祥元年戴垣等所議也尊皇后懿祐祿氏帝生  
母懿貴妃那拉氏均爲皇太后皇太后稱母皇太后貴妃稱  
聖母皇太后援明萬曆朝故事也那拉氏不悅尋改上太  
后徽號曰慈安皇太后生母太后徽號曰慈禧皇太后並  
諭嗣後詔書奏牘皆以慈安慈禧並稱不復有母后聖母  
之別矣是時有御史董元醇疏言皇上冲齡未能親政暫  
請皇太后垂簾聽政並派近支親王一二人輔政疏入太  
后召見贊襄王大臣命照所奏行戴垣等抗論以爲不可  
有臣等奉遺詔贊襄皇上不能聽命於太后等語退復以